

# Fakulti Kejuruteraan UPM johan Engineering Games 2005

*Anjuran Persatuan Kejuruteraan Universiti Islam Antarabangsa Malaysia (ENGINIUS) dengan kerjasama Institusi Jurutera Malaysia (IEM)*

Oleh: SHARIL NIZAM SHA'RI

**GOMBAK (16-18 DIS)** - Fakulti Kejuruteraan Universiti Putra Malaysia (UPM) muncul sebagai johan Engineering Games 2005 menundukkan kesemua pelajar kejuruteraan institut pengajian tinggi yang lain dan menewaskan jurutera-jurutera dan para pekerja daripada syarikat swasta dan kerajaan.

Pasukan lelaki futsal UPM terdiri daripada Ibnu Ikhram Othman, Muhammad Faizal Md Nor, Muhamad Farhan Muhamad Nashir, Dzulkarnain

Muhammed Zakaria, Mohd Mohsein Ibrahim, Hasnul Anbia Abdullah Sani dan Davendra a/l Mahendra berjaya mencipta hatrik dengan mengalahkan pasukan Universiti Malaya, Universiti Islam Antarabangsa, Universiti Multimedia untuk muncul sebagai johan. Pasukan wanita UPM juga beraksi cemerlang dengan menjadi johan dalam Bola Jaring.

Program anjuran Persatuan Kejuruteraan Universiti Islam Antarabangsa Malaysia (ENGINIUS) dengan kerjasama Institusi Jurutera Malaysia (IEM) bertujuan untuk mengeratkan ukhuwah dan silaturahim di

antara pelajar-pelajar kejuruteraan di setiap universiti di semenanjung Malaysia dan juga menjalin hubungan baik antara pelajar dan juga jurutera-jurutera yang berpengalaman.

Seterusnya, memperbaiki dan mempertingkatkan kemahiran komunikasi pelajar memandangkan program ini tidak terhad kepada pelajar sahaja tetapi turut disertai oleh jurutera-jurutera yang bérjaya serta memupuk sikap saling bertukar pendapat antara para pelajar dan jurutera di samping menanam semangat kesukaran dan kerjasama dalam pasukan.